

कृष्ण यजुर्वेदीय तैत्तिरीय
संहिता, पद, जटा, घन पाठः

3.3 तृतीयकाण्डे तृतीयः प्रश्नः - वैकृतविध

Contents

TS 3.3.1.1	4
TS 3.3.1.2	4
TS 3.3.2.1	5
TS 3.3.2.2	6
TS 3.3.3.1	7
TS 3.3.3.2	8
TS 3.3.3.3	9
TS 3.3.4.1	10
TS 3.3.4.2	11
TS 3.3.4.3	11
TS 3.3.5.1	12
TS 3.3.5.2	13
TS 3.3.5.3	14

	2
TS 3.3.5.4	15
TS 3.3.5.5	16
TS 3.3.6.1	16
TS 3.3.6.2	17
TS 3.3.6.3	18
TS 3.3.7.1	19
TS 3.3.7.2	20
TS 3.3.7.3	21
TS 3.3.8.1	22
TS 3.3.8.2	23
TS 3.3.8.3	23
TS 3.3.8.4	24
TS 3.3.8.5	25
TS 3.3.8.6	26

TS 3.3.9.1	27
TS 3.3.9.2	28
TS 3.3.10.1	29
TS 3.3.10.2	30
TS 3.3.11.1	31
TS 3.3.11.2	32
TS 3.3.11.3	33
TS 3.3.11.4	33
TS 3.3.11.5	34

TS 3.3.1.1**TS 3.3.1.1****Samhita Paata**

अ॒ग्रे ते॒जस्वि॑न् ते॒जस्वी॑ त्वं दे॒वेषु॑ भू॒यास्तेज॑स्वन्तं॒ मामा॑युष्मन्तं॒ वर्च॑स्वन्तं॒ मनु॑ष्येषु कुरु दी॒क्षायै॑
 च त्वा॒ तप॑सश्च॒ तेज॑से जुहोमि तेजो॒विद॑सि॒ तेजो॑ मा॒ मा हा॑सीन्माऽहं तेजो॑ हा॒सिषु॑ मा मां तेजो॑
 हासी॒दिन्द्रो॑जस्विन्नो॒जस्वी॑ त्वं दे॒वेषु॑ भू॒या ओज॑स्वन्तं॒ मामा॑युष्मन्तं॒ वर्च॑स्वन्तं॒ मनु॑ष्येषु कुरु ब्रह्म॑णश्च
 त्वा क्ष॒त्रस्य॑ चौ - []

Pada Paata

अ॒ग्रे । ते॒जस्वि॑न् । ते॒जस्वी॑ । त्वम् । दे॒वेषु॑ । भू॒याः । तेज॑स्वन्तम् । माम् । आ॒युष्मन्त॑म्
 । वर्च॑स्वन्तम् । म॒नुष्ये॑षु । कुरु॑ । दी॒क्षायै॑ । च । त्वा॒ । तप॑सः । च । तेज॑से । जुहो॑मि
 । तेजो॒विदि॑ति॒ तेजः॑ - वि॒त् । अ॒सि । तेजः॑ । मा॒ । मा । हा॑सीत् । मा । अ॒हम् । तेजः॑ ।
 हा॒सिषु॑म् । मा । माम् । तेजः॑ । हा॒सीत् । इन्द्र॑ । ओ॒जस्वि॑न् । ओ॒जस्वी॑ । त्वम् । दे॒वेषु॑
 । भू॒याः । ओज॑स्वन्तम् । माम् । आ॒युष्मन्त॑म् । वर्च॑स्वन्तम् । म॒नुष्ये॑षु । कुरु॑ । ब्रह्म॑णः
 । च । त्वा॒ । क्ष॒त्रस्य॑ । च ।

TS 3.3.1.2**TS 3.3.1.2****Samhita Paata**

- ज॑से जु॒हो॒म्यो॒जो॒वि॒दु॒स्यो॒जो॑ मा॒ मा हा॑सी॒न्माऽह॑मो॒जो हा॑सिषं॒ मा मा॑मो॒जो हा॑सी॒थ् सूर्य॑ भ्राज॒स्विन्
 भ्राज॑स्वी त्वं दे॒वेषु॑ भू॒या भ्राज॑स्वन्तं॒ मामा॑युष्मन्तं॒ वर्च॑स्वन्तं॒ मनु॑ष्येषु कुरु वा॒योश्च॑ त्वाऽपाञ्च॒ भ्राज॑से
 जु॒हो॒मि॒सु॒व॒र्वि॒द॒सि॑ सु॒व॒र्मा मा हा॑सी॒न्माऽह॑ सु॒व॒र् हा॑सिषं॒ मा मा॑ सु॒व॒र् हा॑सीन् मयि॑ () मे॒धां मयि॑
 प्र॒जां मय्य॑ग्नि॒स्तेजो॑ दधातु॒ मयि॑ मे॒धां मयि॑ प्र॒जां मयी॑न्द्र इन्द्रि॒यं द॑धातु॒ मयि॑ मे॒धां मयि॑ प्र॒जां मयि॑
 सूर्यो॑ भ्राजो॑ दधातु ॥

Pada Paata

ओज॑से । जु॒हो॒मि॒ । ओ॒जो॒वि॒दि॒त्यो॒जः॑ - वि॒त् । अ॒सि॒ । ओजः॑ । मा॒ । मा॒ । हा॒सी॒त् । मा॒
 । अ॒हम् । ओजः॑ । हा॒सि॒षम् । मा॒ । मा॒म् । ओजः॑ । हा॒सी॒त् । सूर्य॑ । भ्राज॑स्विन् ।
 भ्राज॑स्वी । त्वम् । दे॒वेषु॑ । भू॒याः । भ्राज॑स्वन्तम् । मा॒म् । आ॒यु॑ष्मन्तम् । वर्च॑स्वन्तम् ।
 मनु॑ष्येषु । कुरु॑ । वा॒योः । च॒ । त्वा॒ । अ॒पाम् । च॒ । भ्राज॑से । जु॒हो॒मि॒ । सु॒व॒र्वि॒दि॒ति॑ सु॒वः॑
 - वि॒त् । अ॒सि॒ । सु॒वः॑ । मा॒ । मा॒ । हा॒सी॒त् । मा॒ । अ॒हम् । सु॒वः॑ । हा॒सि॒षम् । मा॒
 । मा॒म् । सु॒वः॑ । हा॒सी॒त् । मयि॑ () । मे॒धाम् । मयि॑ । प्र॒जामि॑ति॒ प्र - जा॑म् । मयि॑ ।
 अ॒ग्निः । तेजः॑ । दु॒धा॒तु॒ । मयि॑ । मे॒धाम् । मयि॑ । प्र॒जामि॑ति॒ प्र - जा॑म् । मयि॑ । इन्द्रः॑ ।
 इन्द्रि॒यम् । दु॒धा॒तु॒ । मयि॑ । मे॒धाम् । मयि॑ । प्र॒जामि॑ति॒ प्र - जा॑म् । मयि॑ । सूर्यः॑ । भ्राजः॑
 । दु॒धा॒तु॒ ॥

TS 3.3.2.1

TS 3.3.2.1

Samhita Paata

वा॒युर्हि॑ क॒र्ताऽग्निः॑ प्र॒स्तो॒ता प्र॒जाप॑तिः॒ साम॑ बृ॒हस्प॑तिरु॒द्गाता॑ वि॒श्वे दे॒वा उ॑पगा॒तारो म॑रुतः॒ प्रति॑ह॒र्तार॑
इन्द्रो॑ नि॒धन॑न्ते दे॒वाः प्रा॑णभृ॒तः प्रा॑णं मयि॑ दध॒त्वेत॑ द्वै॒ सर्व॑म॒द्भ्यु॒रुपा॑कुर्वन्नु॒द्गातृ॑भ्यं उ॒पाक॑रोति॒ ते दे॒वाः
प्रा॑णभृ॒तः प्रा॑णं मयि॑ दध॒त्वित्या॑ है॒तदे॒व स॑र्वमा॒त्मन् ध॑त्त॒ इडा॑ दे॒वहू॑ म॒नु॒र्यज्ञ॑नी॒ बृ॒हस्प॑तिरु॒क्थाम॑दानीं
श॒सिष॑द् वि॒श्वे दे॒वाः - []

Pada Paata

वा॒युः । हि॑ क॒र्तेति॑ हिं - क॒र्ता । अ॒ग्निः । प्र॒स्तो॒तेति॑ प्र - स्तो॒ता । प्र॒जाप॑तिरिति॑ प्र॒जा - प॑तिः
। साम॑ । बृ॒हस्प॑तिः । उ॒द्गाते॑त्यु॒त् - गा॒ता । वि॒श्वे । दे॒वाः । उ॒पगा॑तार॒ इत्यु॑प - गा॒तारः ।
म॑रुतः । प्र॒तिह॑र्तार॒ इति॑ प्रति - ह॒र्तारः । इन्द्रः॑ । नि॒धन॑मिति॑ नि - धन॑म् । ते । दे॒वाः ।
प्रा॑णभृ॒त इति॑ प्राण - भृ॒तः । प्रा॑णमिति॑ प्र - अ॒नम् । मयि॑ । दध॒तु । ए॒तत् । वै । सर्व॑म् ।
अ॒द्भ्युः । उ॒पाकु॑र्वन्नित्यु॑प - आ॒कुर्व॑न् । उ॒द्गातृ॑भ्य॒ इत्यु॑द्गातृ - भ्यः । उ॒पाक॑रोतीत्यु॑प - आ॒करो॑ति
। ते । दे॒वाः । प्रा॑णभृ॒त इति॑ प्राण - भृ॒तः । प्रा॑णमिति॑ प्र-अ॒नम् । मयि॑ । दध॒तु । इति॑ ।
आ॒ह । ए॒तत् । ए॒व । सर्व॑म् । आ॒त्मन् । ध॑त्ते । इडा॑ । दे॒वहू॑रिति॑ दे॒व - हूः । म॒नुः ।
य॒ज्ञनी॑रिति॑ य॒ज्ञ - नीः । बृ॒हस्प॑तिः । उ॒क्थाम॑दानीत्यु॑क्थ - म॒दानी॑ । श॒सिष॑त् । वि॒श्वे । दे॒वाः ।

TS 3.3.2.2

TS 3.3.2.2

Samhita Paata

सूक्तवाचः पृथिवि मातुर्मा माहिःसी र्मधुं मनिष्ये मधुं जनिष्ये मधुंवक्ष्यामि मधुवदिष्यामि मधुमतीं
देवेभ्यो वाचमुद्यासः शुश्रूषेण्यां मनुष्येभ्यस्तं मा देवा अवन्तु शोभायै पितरोऽनु मदन्तु ॥

Pada Paata

सूक्तवाच इति सूक्त - वाचः । पृथिवि । मातुः । मा । मा । हिःसीः । मधुं । मनिष्ये ।
मधुं । जनिष्ये । मधुं । वक्ष्यामि । मधुं । वदिष्यामि । मधुमतीमिति मधुं - मतीम् । देवेभ्यः
। वाचम् । उद्यासम् । शुश्रूषेण्याम् । मनुष्येभ्यः । तम् । मा । देवाः । अवन्तु । शोभायै
। पितरः । अन्विति । मदन्तु ॥

TS 3.3.3.1

TS 3.3.3.1

Samhita Paata

वसवस्त्वा प्रवहन्तु गायत्रेण छन्दसाऽग्नेः प्रियं पाथ उपेहि रुद्रास्त्वा प्रवहन्तु त्रैष्टुभेन छन्दसेन्द्रस्य
प्रियं पाथ उपेह्यादित्यास्त्वा प्रवहन्तु जागतेन छन्दसा विश्वेषां देवानां प्रियं पाथ उपेहि मान्दासु ते

शुक्र शुक्रमा धू॒नोमि भ॒न्दना॑सु को॒त॒नासु नू॒त॒नासु रे॒शीषु मे॒षीषु वा॒शीषु वि॒श्वभृ॑त्सु मा॒द्धीषु क॒कुहा॑सु
श॒क्र॒रीषु - []

Pada Paata

वस॑वः । त्वा॒ । प्रेति॑ । वृ॒ह॒न्तु । गा॒य॒त्रेण॑ । छ॒न्द॑सा । अ॒ग्नेः । प्रि॒यम् । पाथः॑ । उपेति॑
। इ॒हि । रु॒द्राः । त्वा॒ । प्रेति॑ । वृ॒ह॒न्तु । त्रैष्टु॑भेन । छ॒न्द॑सा । इन्द्र॑स्य । प्रि॒यम् । पाथः॑
। उपेति॑ । इ॒हि । आ॒दि॒त्याः । त्वा॒ । प्रेति॑ । वृ॒ह॒न्तु । जा॒ग॒तेन॑ । छ॒न्द॑सा । वि॒श्वे॑षाम्
। दे॒वाना॑म् । प्रि॒यम् । पाथः॑ । उपेति॑ । इ॒हि । मा॒न्दा॑सु । ते । शु॒क्र॒ । शु॒क्रम् । एति॑
। धू॒नोमि॑ । भ॒न्दना॑सु । को॒त॒नासु । नू॒त॒नासु । रे॒शीषु । मे॒षीषु । वा॒शीषु । वि॒श्वभृ॑त्स्विति॑
वि॒श्वभृ॑त् - सु । मा॒द्धीषु । क॒कुहा॑सु । श॒क्र॒रीषु ।

TS 3.3.3.2

TS 3.3.3.2

Samhita Paata

शु॒क्रासु॑ ते शु॒क्र शु॒क्रमा धू॒नोमि शु॒क्रं ते शु॒क्रेण॑ गृ॒ह्णाम्य॑हो रू॒पेण॑ सू॒र्यस्य॑ र॒श्मिभिः॑ ॥ आ॒ऽस्मि॑न्नु॒ग्रा
अ॑चु॒च्यवु॑र्दि॒वो धा॑रा अस॒श्वत॑ ॥ क॒कुह॑स् रू॒पं वृ॑ष॒भस्य॑ रोचते बृ॒हथ॑ सोमः॒ सोम॑स्य पु॒रोगाः॑ शु॒क्रः
शु॒क्रस्य॑ पु॒रोगाः॑ ॥ यत् ते सो॒मादा॑भ्यं॒ नाम॑ जा॒गृवि॑ तस्मै॒ ते सोम॑ सोमा॒य स्वा॑हो॒शिक॑ त्वं दे॒व
सोम॑ गा॒य॒त्रेण॑ छ॒न्द॑सा॒ऽग्नेः - []

Pada Paata

शुक्रासु॑ । ते॒ । शुक्र॑ । शुक्रम् । एति॑ । धूनो॑मि । शुक्रम् । ते॒ । शु॒क्रेण॑ । गृह्णामि॑ । अहः॑
 । रूपेण॑ । सूर्य॑स्य । र॒श्मिभि॑रिति॑ र॒श्मि-भिः॑ ॥ एति॑ । अ॒स्मिन् । उ॒ग्राः । अ॒चुच्य॑वुः ।
 दिवः॑ । धाराः॑ । अ॒सृश्रु॑त् ॥ क॒कुह॑म् । रू॒पम् । वृ॒षभ॑स्य । रोच॑ते । बृ॒हत् । सोमः॑ ।
 सोम॑स्य । पु॒रो॒गा इति॑ पुरः - गाः । शु॒क्रः । शु॒क्रस्य॑ । पु॒रो॒गा इति॑ पुरः - गाः ॥ यत् । ते॒
 । सो॒म । अ॒दो॑भ्यम् । नाम॑ । जा॒गृ॒वि । तस्मै॑ । ते॒ । सो॒म । सोमा॑य । स्वाहा॑ । उ॒शिक॑
 । त्वम् । दे॒व । सो॒म । गा॒य॒त्रेण॑ । छ॒न्द॑सा । अ॒ग्नेः ।

TS 3.3.3.3**TS 3.3.3.3****Samhita Paata**

प्रि॒यं पा॒थो अ॒पीहि॑ व॒शी त्वं दे॒व सोम॑ त्रैष्टु॑भेन॒ छन्द॑सेन्द्र॒स्य प्रि॒यं पा॒थो अ॒पीह्य॑स्मत्स॒खा त्वं दे॒व
 सोम॑ जा॒गृते॑न॒ छन्द॑सा॒ विश्वे॑षां दे॒वानां॑ प्रि॒यं पा॒थो अ॒पीह्य॑ नः॑ प्रा॒ण ए॒तु परा॑वत् आ॒न्तरि॑क्षाद्वि॒वस्परि॑
 । आयुः॑ पृथि॒व्या अ॒द्वय॑मृत॒मसि॑ प्रा॒णाय॑ त्वा ॥ इन्द्रा॑ग्नी मे॒ वर्चः॑ कृ॒णुतां॑ वर्चः॑ सोमो॑ बृ॒हस्प॑तिः
 () । वर्चो॑ मे॒ विश्वे॑दे॒वा वर्चो॑ मे॒ धत्त॑मश्विना ॥ द॒धन्वे॑ वा॒ यदी॑मनु॒ वोच॑द्ब्रह्मा॒णि वेरु॑ तत् । परि॑
 विश्वा॑नि॒ काव्या॑ नेमिश्च॒क्रमि॑वा भवत् ॥

Pada Paata

प्रियम् । पार्थः । अपीति । इहि । वशी । त्वम् । देव । सोम । त्रैष्टुभेन । छन्दसा । इन्द्रस्य
 । प्रियम् । पार्थः । अपीति । इहि । अस्मत्सुखेत्यस्मत् - सुखा । त्वम् । देव । सोम ।
 जागतेन । छन्दसा । विश्वेषाम् । देवानाम् । प्रियम् । पार्थः । अपीति । इहि । एति । नः
 । प्राण इति प्र - अनः । एतु । परावत् इति परावतः । एति । अन्तरिक्षात् । दिवः । परि
 ॥ आयुः । पृथिव्याः । अधीति । अमृतम् । असि । प्राणायेति प्र - अनाय । त्वा ॥ इन्द्राग्नी
 इतीन्द्र-अग्नी । मे । वर्चः । कृणुताम् । वर्चः । सोमः । बृहस्पतिः () ॥ वर्चः । मे । विश्वे
 । देवाः । वर्चः । मे । धत्तम् । अश्विना ॥ दुधन्वे । वा । यत् । ईम् । अन्विति । वोचत् ।
 ब्रह्माणि । वेः । उ । तत् ॥ परीति । विश्वानि । काव्या । नेमिः । चक्रम् । इव । अभवत् ॥

TS 3.3.4.1

TS 3.3.4.1

Samhita Paata

एतद्वा अपां नामधेयं गुह्यं यदाधावा मान्दासु ते शुक्र शुक्रमा धूनोमीत्याहापामेव नामधेयेन गुह्येन
 दिवो वृष्टिमव रुन्धे शुक्रं ते शुक्रेण गृह्णामीत्याहेतद्वा अहो रूपं यद्रात्रिः सूर्यस्य रश्मयो वृष्ट्या
 ईशतेऽहं एव रूपेण सूर्यस्य रश्मिभिर्दिवो वृष्टिं च्यावयत्याऽस्मिन्नुग्रा - []

Pada Paata

एतत् । वै । अपाम् । नामधेयमिति नाम - धेयम् । गुह्यम् । यत् । आधावा इत्या - धावाः
 । मान्दासु । ते । शुक्र । शुक्रम् । एति । धूनोमि । इति । आह । अपाम् । एव ।

ना॒म॒धे॒ये॒ने॒ति॒ नाम - धे॒ये॒न । गु॒ह्ये॒न । दि॒वः । वृ॒ष्टि॑म् । अ॒वे॒ति॑ । रु॒न्धे । शु॒क्रम् । ते ।
 शु॒क्रे॒ण । गृ॒ह्णामि॑ । इति॑ । आ॒ह । ए॒तत् । वै । अ॒हः । रू॒पम् । यत् । रा॒त्रिः । सूर्य॑स्य
 । र॒श्मयः॑ । वृ॒ष्ट्याः॑ । ई॒श॒ते । अ॒हः । ए॒व । रू॒पे॒ण । सूर्य॑स्य । र॒श्मिभि॑रिति॑ र॒श्मि - भिः
 । दि॒वः । वृ॒ष्टि॑म् । च्या॒व॒य॒ति॒ । ए॒ति॑ । अ॒स्मिन् । उ॒ग्राः ।

TS 3.3.4.2

TS 3.3.4.2

Samhita Paata

अ॒चु॒च्य॒वु॒रि॒त्या॒ह॒ यथा॑य॒जु॒रे॒वै॒तत् क॑कु॒हः॑ रू॒पं वृ॑ष॒भस्य॑ रोच॒ते बृ॒हदि॒त्या॒है॒तद्वा अ॑स्य क॒कुहः॑ रू॒पं
 य॒द् वृ॑ष्टी॒ रू॒पे॒णै॒व वृ॑ष्टि॒मव॑ रु॒न्धे य॒त्ते सो॒मादा॑भ्यं॒ नाम॒ जागृ॑वी॒त्या॒है॒ष ह॒ वै ह॒विषा॑ ह॒विर्य॑जति॒
 योऽदा॑भ्यं गृही॒त्वा सो॒माय॑ जु॒होति॑प॒रा वा ए॒तस्याऽऽ॒युः प्रा॒ण ए॒ति - []

Pada Paata

अ॒चु॒च्य॒वुः । इति॑ । आ॒ह । य॒था॒य॒जु॒रिति॑ यथा॑-य॒जुः । ए॒व । ए॒तत् । क॒कुहम् । रू॒पम् ।
 वृ॒ष॒भस्य॑ । रोच॒ते । बृ॒हत् । इति॑ । आ॒ह । ए॒तत् । वै । अ॒स्य । क॒कुहम् । रू॒पम् । यत्
 । वृ॒ष्टिः । रू॒पे॒ण । ए॒व । वृ॒ष्टि॑म् । अ॒वे॒ति॑ । रु॒न्धे । यत् । ते । सो॒म । अ॒दा॑भ्यम् । नामं
 । जागृ॑वि । इति॑ । आ॒ह । ए॒षः । ह॒ । वै । ह॒विषा॑ । ह॒विः । य॒ज॒ति॒ । यः । अ॒दा॑भ्यम् ।
 गृही॒त्वा । सो॒माय॑ । जु॒होति॑ । प॒रेति॑ । वै । ए॒तस्य॑ । आ॒युः । प्रा॒ण इति॑ प्र - अ॒नः । ए॒ति॒ ।

TS 3.3.4.3

TS 3.3.4.3

Samhita Paata

योऽश्शुं गृह्णात्या नः प्राण एतु परावत् इत्याहाऽऽ*युरेव प्राणमात्मन् धत्ते ऽमृतमसि प्राणाय त्वेति
 हिरण्यमभि व्यनित्यमृतं वै हिरण्यमायुः प्राणोऽमृतेनैवाऽऽ*युरात्मन् धत्ते शतमानं भवति शतायुः
 पुरुषः शतेन्द्रिय आयुष्येवेन्द्रिये प्रतीतिष्ठत्यप उप स्पृशति भेषजं वा आपो () भेषजमेव कुरुते
 ॥

Pada Paata

यः । अश्शुम् । गृह्णाति । एति । नः । प्राण इति प्र - अनः । एतु । परावत् इति
 परा - वतः । इति । आह । आयुः । एव । प्राणमिति प्र - अनम् । आत्मन् । धत्ते ।
 अमृतम् । असि । प्राणायेति प्र - अनाय । त्वा । इति । हिरण्यम् । अभि । वीति ।
 अनिति । अमृतम् । वै । हिरण्यम् । आयुः । प्राण इति प्र - अनः । अमृतेन । एव
 । आयुः । आत्मन् । धत्ते । शतमानमिति शत - मानम् । भवति । शतायुरिति शत -
 आयुः । पुरुषः । शतेन्द्रिय इति शत - इन्द्रियः । आयुषि । एव । इन्द्रिये । प्रतीति ।
 तिष्ठति । अपः । उपेति । स्पृशति । भेषजम् । वै । आपः () । भेषजम् । एव । कुरुते ॥

TS 3.3.5.1

TS 3.3.5.1

Samhita Paata

वा॒युर॑सि प्रा॒णो नाम॑ सवि॒तुराधि॑पत्येऽपानं॑ मे द्वा॒श्चक्षु॑रसि श्रोत्रं॑ नाम॑ धा॒तुराधि॑पत्य॒ आयु॑र्मे दा रू॒पम॑सि
वर्णो॑ नाम॒ बृह॑स्पते॒राधि॑पत्ये प्र॒जां मे दा ऋ॑तम॑सि स॒त्यं नामेन्द्र॑स्याऽऽधि॑पत्ये क्ष॒त्रं मे दा भू॑तम॑सि
भव्यं॑ नाम॑ पि॒तृणा॑माधि॑पत्येऽपा॒-मोष॑धीनां॒ गर्भं॑ धा ऋ॑तस्य॑ त्वा व्यो॑मन ऋ॑तस्य॑ - []

Pada Paata

वा॒युः । अ॒सि । प्रा॒ण इति॑ प्र - अ॒नः । नाम॑ । स॒वि॒तुः । आधि॑पत्य॒ इत्याधि॑ - प॒त्ये ।
अ॒पान॑मित्य॑प - अ॒नम् । मे । द्वाः । चक्षुः॑ । अ॒सि । श्रोत्र॑म् । नाम॑ । धा॒तुः । आधि॑पत्य॒
इत्याधि॑-प॒त्ये । आयुः॑ । मे । द्वाः । रू॒पम् । अ॒सि । वर्णः॑ । नाम॑ । बृह॑स्पतेः । आधि॑पत्य॒
इत्याधि॑ - प॒त्ये । प्र॒जामि॑ति प्र॒जाम् । मे । द्वाः । ऋ॑तम् । अ॒सि । स॒त्यम् । नाम॑ ।
इन्द्र॑स्य । आधि॑पत्य॒ इत्याधि॑ - प॒त्ये । क्ष॒त्रम् । मे । द्वाः । भू॑तम् । अ॒सि । भव्य॑म् । नाम॑
। पि॒तृणा॑म् । आधि॑पत्य॒ इत्याधि॑ - प॒त्ये । अ॒पाम् । ओष॑धीनाम् । गर्भ॑म् । धाः । ऋ॑तस्य॑
। त्वा । व्यो॑मन॒ इति॑ वि - ओ॒मने॑ । ऋ॑तस्य॑ ।

TS 3.3.5.2

TS 3.3.5.2

Samhita Paata

त्वा॒ विभू॑मन॒ ऋ॒तस्य॑ त्वा॒ वि॒ध॑र्म॒ण ऋ॒तस्य॑ त्वा॒ स॒त्याय॑र्तस्य॑ त्वा॒ ज्योति॑षे प्र॒जाप॑ति वि॒राज॑मपश्यत्
 तया॑ भू॒तं च॑ भव्यं॑ चा सृ॒जत् तामृ॑षि॒भ्यस्ति॑रोऽद॒धात् तां ज॒मद॑ग्निस्तप॑साऽ पश्यत् तया॑ वै स पृ॒श्नीन्
 कामा॑नसृ॒जत् तत् पृ॒श्नीनां॑ पृ॒श्नित्वं॑ यत् पृ॒श्नयो॑ गृह्यन्ते पृ॒श्नीने॑व तैः कामा॑न् यज॑मानोऽव॑ रुन्धे
 वा॒युर॑सि प्रा॒णो - []

Pada Paata

त्वा॒ । वि॒भू॑मन॒ इति॑ वि - भू॒मने॑ । ऋ॒तस्य॑ । त्वा॒ । वि॒ध॑र्म॒ण इति॑ वि - ध॒र्म॒णे॑ । ऋ॒तस्य॑ ।
 त्वा॒ । स॒त्याय॑ । ऋ॒तस्य॑ । त्वा॒ । ज्योति॑षे । प्र॒जाप॑तिरिति॑ प्र॒जा - प॑तिः । वि॒राज॑मिति॑ वि
 - राज॑म् । अ॒पश्य॑त् । तया॑ । भू॒तम् । च॑ । भव्य॑म् । च॑ । अ॒सृ॒जत् । ताम् । ऋ॒षि॒भ्य
 इत्यृ॑षि - भ्यः । ति॒रः । अ॒द॒धात् । ताम् । ज॒मद॑ग्निः । तप॑सा । अ॒पश्य॑त् । तया॑ । वै ।
 सः । पृ॒श्नीन् । कामा॑न् । अ॒सृ॒जत् । तत् । पृ॒श्नीनाम् । पृ॒श्नित्वमिति॑ पृ॒श्नि - त्वम् । यत् ।
 पृ॒श्नयः॑ । गृह्य॑न्ते । पृ॒श्नीन् । ए॒व । तैः । कामा॑न् । यज॑मानः । अ॒वेति॑ । रुन्धे॑ । वा॒युः ।
 अ॒सि । प्रा॒ण इति॑ प्र - अ॒नः ।

TS 3.3.5.3

TS 3.3.5.3

Samhita Paata

नामेत्या॑ह प्रा॒णापा॑नावे॒वाव॑ रुन्धे चक्षु॑रसि श्रो॒त्रं ना॑मेत्या॒हाऽऽयु॑रे॒वाव॑ रुन्धे रू॒पम॑सि वर्णो॑ नामेत्या॑ह
 प्र॒जामे॒वाव॑ रुन्ध॒ऋ॒तम॑सि स॒त्यं ना॑मेत्या॑ह क्ष॒त्रमे॒वाव॑ रुन्धे भू॒तम॑सि भव्यं॑ नामेत्या॑ह प॒शवो॑ वा

अ॒पामोष॑धीनां॒ गर्भः॑ प॒शून्ने॒वा - []

Pada Paata

नामं । इति । आ॒ह । प्रा॒णापा॒नाविति॑ प्राण-अ॒पा॒नौ । ए॒व । अ॒वेति॑ । रु॒न्धे । चक्षुः॑ । अ॒सि ।
 । श्रोत्र॑म् । नामं । इति । आ॒ह । आयुः॑ । ए॒व । अ॒वेति॑ । रु॒न्धे । रू॒पम् । अ॒सि । वर्णः॑ ।
 । नामं । इति । आ॒ह । प्र॒जामिति॑ प्र - जा॒म् । ए॒व । अ॒वेति॑ । रु॒न्धे । ऋ॒तम् । अ॒सि ।
 । स॒त्यम् । नामं । इति । आ॒ह । क्ष॒त्रम् । ए॒व । अ॒वेति॑ । रु॒न्धे । भू॒तम् । अ॒सि ।
 भव्य॑म् । नामं । इति । आ॒ह । प॒शवः॑ । वै । अ॒पाम् । ओष॑धीनाम् । गर्भः॑ । प॒शून् । ए॒व ।

TS 3.3.5.4

TS 3.3.5.4

Samhita Paata

-वं रु॒न्ध ए॒ताव॑द्वै पु॒रुषं॑ प॒रित॑स्तदे॒वावं रु॒न्ध ऋ॒तस्य॑ त्वा॒ व्यो॑म॒न् इत्या॑हेयं॒ वा ऋ॒तस्य॑ व्यो॑मे॒मामे॑वाभि
 ज॑यत्यृ॒तस्य॑ त्वा॒ विभू॑म॒न् इत्या॑हाऽन्तरि॑क्षं॒ वा ऋ॒तस्य॑ विभू॑मान्तरि॑क्षमे॒वाभि ज॑यत्यृ॒तस्य॑ त्वा॒ विध॑र्म॒ण
 इत्या॑ह द्यौ॒र्वा ऋ॒तस्य॑ विध॑र्म॒ दिव॑मे॒वाभि ज॑यत्यृ॒तस्य॑- []

Pada Paata

अ॒वेति॑ । रु॒न्धे । ए॒ताव॑त् । वै । पु॒रुष॑म् । प॒रितः॑ । तत् । ए॒व । अ॒वेति॑ । रु॒न्धे । ऋ॒तस्य॑
 । त्वा॒ । व्यो॑म॒न् इति॑ वि - ओ॒म॒ने । इति॑ । आ॒ह । इ॒यम् । वै । ऋ॒तस्य॑ । व्यो॑मेति॑ वि

- ओ॒म् । इ॒माम् । ए॒व । अ॒भीति॑ । ज॒य॒ति॒ । ऋ॒तस्य॑ । त्वा॒ । वि॒भू॒मन् इति॑ वि॒भू॒म॒ने ।
 इति॑ । आ॒ह॒ । अ॒न्तरि॑क्षम् । वै । ऋ॒तस्य॑ । वि॒भू॒मेति॑ वि - भू॒म् । अ॒न्तरि॑क्षम् । ए॒व ।
 अ॒भीति॑ । ज॒य॒ति॒ । ऋ॒तस्य॑ । त्वा॒ । वि॒ध॒र्म॒ण॒ इति॑ वि - ध॒र्म॒णे । इति॑ । आ॒ह॒ । द्यौः । वै
 । ऋ॒तस्य॑ । वि॒ध॒र्मेति॑ वि - ध॒र्म॒ । दि॒वम् । ए॒व । अ॒भीति॑ । ज॒य॒ति॒ । ऋ॒तस्य॑ ।

TS 3.3.5.5

TS 3.3.5.5

Samhita Paata

त्वा स॒त्याये॒त्याह॒ दि॒शो वा ऋ॒तस्य॑ स॒त्यं दि॒शं ए॒वाभि॑ ज॒यत्यृ॒तस्य॑ त्वा ज्योति॑षु इ॒त्याह॒ सु॒व॒र्गो
 वै लो॒क ऋ॒तस्य॑ ज्योति॑ः सु॒व॒र्गमे॒व लो॒कम्भि॑ ज॒यत्ये॒ताव॑न्तो वै दे॒वलो॒कास्ता॒नेवा॒भि ज॒यति॑ द॒श
 संप॑द्यन्ते द॒शाक्ष॑रा वि॒राड॒न्नं वि॒राड् वि॒राज्ये॒वान्नाद्ये॑ प्र॒तीति॑ष्ठति ॥

Pada Paata

त्वा । स॒त्याय॑ । इति॑ । आ॒ह॒ । दि॒शः । वै । ऋ॒तस्य॑ । स॒त्यम् । दि॒शः । ए॒व ।
 अ॒भीति॑ । ज॒य॒ति॒ । ऋ॒तस्य॑ । त्वा॒ । ज्योति॑षे । इति॑ । आ॒ह॒ । सु॒व॒र्ग इति॑ सु॒वः - गः ।
 वै । लो॒कः । ऋ॒तस्य॑ । ज्योति॑ः । सु॒व॒र्गमि॑ति सु॒वः - गम् । ए॒व । लो॒कम् । अ॒भीति॑ ।
 ज॒य॒ति॒ । ए॒ताव॑न्तः । वै । दे॒वलो॒का इति॑ दे॒व - लो॒काः । तान् । ए॒व । अ॒भीति॑ । ज॒य॒ति॒
 । द॒श । स॒मि॒ति॑ । प॒द्य॒न्ते । द॒शाक्ष॑रेति॑ द॒श - अ॒क्ष॒रा । वि॒राडि॑ति॑ वि - राट् । अ॒न्नम् ।
 वि॒राडि॑ति॑ वि - राट् । वि॒राजी॑ति॑ वि - राजि॑ । ए॒व । अ॒न्नाद्य॑ इत्य॒न्न - अ॒द्ये । प्र॒तीति॑ । ति॒ष्ठति॑ ॥

TS 3.3.6.1

TS 3.3.6.1

Samhita Paata

दे॒वा वै यद्-य॒ज्ञेन॑ ना॒वारु॑न्धत् तत् परै॒रवा॑रुन्धत् तत् परा॑णां प॒रत्वं यत् परे॑ गृह्यन्ते॒ यदे॒व
य॒ज्ञेन॑ ना॒वर्नु॑धे तस्या॒वर्नु॑ध्यै यं प्रथ॑मं गृह्णाती॒ममे॒व तेन॑ लो॒कम॒भि ज॑यति॒ यं द्वि॒तीय॑म॒न्तरि॑क्षं तेन॒ यं
तृती॑यम॒मुमे॒व तेन॑ लो॒कम॒भि ज॑यति॒ यदे॒ते गृ॑ह्यन्ते॒ एषां लो॒काना॑म॒भिजि॑त्या - []

Pada Paata

दे॒वाः । वै । यत् । य॒ज्ञेन॑ । न । अ॒वा॒रु॑न्धतेत्य॑व - अ॒रु॑न्धत् । तत् । परैः॑ । अ॒वेति॑ ।
अ॒रु॑न्धत् । तत् । परा॑णाम् । प॒र॒त्वमि॑ति॒ पर - त्वम् । यत् । परे॑ । गृ॒ह्यन्ते॑ । यत् । ए॒व ।
य॒ज्ञेन॑ । न । अ॒व॒रु॑न्ध इत्य॑व-रुन्धे । तस्य॑ । अ॒व॒रु॑द्ध्य॒ इत्य॑व -रुद्ध्यै । यम् । प्रथ॑मम् ।
गृ॒ह्णाति॑ । इ॒मम् । ए॒व । तेन॑ । लो॒कम् । अ॒भीति॑ । ज॒यति॑ । यम् । द्वि॒तीय॑म् । अ॒न्तरि॑क्षम्
। तेन॑ । यम् । तृती॑यम् । अ॒मुम् । ए॒व । तेन॑ । लो॒कम् । अ॒भीति॑ । ज॒यति॑ । यत् ।
ए॒ते । गृ॒ह्यन्ते॑ । ए॒षाम् । लो॒काना॑म् । अ॒भिजि॑त्या इत्य॑भि - जि॒त्यै ।

TS 3.3.6.2

TS 3.3.6.2

Samhita Paata

उत्तरेष्वहः स्वमुतोऽर्वाञ्चो गृह्यन्ते ऽभिजित्यैवेमां लोकान् पुनरिमं लोकं प्रत्यवरोहन्ति यत् पूर्वेष्वहः
स्वितः पराञ्चो गृह्यन्ते तस्मादितः पराञ्च इमे लोका यदुत्तरेष्वहः स्वमुतोऽर्वाञ्चो गृह्यन्ते तस्मादुमुतो
ऽर्वाञ्च इमे लोकास्तस्मादयातयाम्नो लोकान् मनुष्या उप जीवन्ति ब्रह्मवादिनो वदन्ति कस्मात्
सत्यादुद्भ्य ओषधयः सं भवन्त्योषधयो - []

Pada Paata

उत्तरेष्वित्युत् - तरेषु । अहः स्वित्यहः-सु । अमुतः । अर्वाञ्चः । गृह्यन्ते । अभिजित्येत्यभि-
जित्यं । एव । इमान् । लोकान् । पुनः । इमम् । लोकम् । प्रत्यवरोहन्तीति प्रति -
अवरोहन्ति । यत् । पूर्वेषु । अहः स्वित्यहः - सु । इतः । पराञ्चः । गृह्यन्ते । तस्मात् ।
इतः । पराञ्चः । इमे । लोकाः । यत् । उत्तरेष्वित्युत् - तरेषु । अहः स्वित्यहः - सु ।
अमुतः । अर्वाञ्चः । गृह्यन्ते । तस्मात् । अमुतः । अर्वाञ्चः । इमे । लोकाः । तस्मात् ।
अयातयाम्न इत्ययात-याम्नः । लोकान् । मनुष्याः । उपेति । जीवन्ति । ब्रह्मवादिन इति ब्रह्म
- वादिनः । वदन्ति । कस्मात् । सत्यात् । उद्भ्य इत्यत् - भ्यः । ओषधयः । समिति ।
भवन्ति । ओषधयः ।

TS 3.3.6.3

TS 3.3.6.3

Samhita Paata

मनुष्याणामन्नं प्रजापतिं प्रजा अनु प्रजायन्त इति परानन्विति ब्रूयाद्-यद्-गृह्णात्युद्भ्यस्त्वौषधीभ्यो

गृह्णामीति तस्मादुद्भ्य ओषधयः संभवन्ति यद्-गृह्णात्योषधीभ्यस्त्वा प्रजाभ्यो गृह्णामीति तस्मादोषधयो मनुष्याणामन्नं यद्-गृह्णाति प्रजाभ्यस्त्वा प्रजापतये गृह्णामीति तस्मात् प्रजापतिं प्रजा अनु प्रजायन्ते ॥

Pada Paata

मनुष्याणाम् । अन्नम् । प्रजापतिमिति प्रजा - पतिम् । प्रजा इति प्र - जाः । अनु । प्रेति । जायन्ते । इति । परान् । अन्विति । इति । ब्रूयात् । यत् । गृह्णाति । उद्भ्य इत्यत् - भ्यः । त्वा । ओषधीभ्य इत्योषधि - भ्यः । गृह्णामि । इति । तस्मात् । उद्भ्य इत्यत्-भ्यः । ओषधयः । समिति । भवन्ति । यत् । गृह्णाति । ओषधीभ्य इत्योषधि - भ्यः । त्वा । प्रजाभ्य इति प्र - जाभ्यः । गृह्णामि । इति । तस्मात् । ओषधयः । मनुष्याणाम् । अन्नम् । यत् । गृह्णाति । प्रजाभ्य इति प्र - जाभ्यः । त्वा । प्रजापतय इति प्रजा - पतये । गृह्णामि । इति । तस्मात् । प्रजापतिमिति प्रजा - पतिम् । प्रजा इति प्र - जाः । अनु । प्रेति । जायन्ते ॥

TS 3.3.7.1

TS 3.3.7.1

Samhita Paata

प्रजापतिर्देवासुरानं सृजत् तदनु यज्ञोऽसृज्यत यज्ञं छन्दांसि ते विष्वञ्चो व्यक्रामन्थ सोऽसुराननु यज्ञोऽपौक्रामद्-यज्ञं छन्दांसि ते देवा अमन्यन्तामी वा इदमभवन्. यद्-वयस् स्म इति ते प्रजापतिमुपाऽधावन्थ सोऽब्रवीत्-प्रजापतिश्छन्दसां वीर्यमादाय तद्वः प्र दास्यामीति स छन्दसां वीर्य - []

Pada Paata

प्रजापतिरिति प्रजा - पतिः । देवासुरानिति देव - असुरान् । असृजत् । तत् । अन्विति । यज्ञः । असृज्यत् । यज्ञम् । छन्दांसि । ते । विष्वञ्चः । वीति । अक्रामन् । सः । असुरान् । अन्विति । यज्ञः । अपेति । अक्रामत् । यज्ञम् । छन्दांसि । ते । देवाः । अमन्यन्त । अमी इति । वै । इदम् । अभूवन् । यत् । वयम् । स्मः । इति । ते । प्रजापतिमिति प्रजा-पतिम् । उपेति । अधावन् । सः । अब्रवीत् । प्रजापतिरिति प्रजा - पतिः । छन्दसाम् । वीर्यम् । आदायेत्या - दायं । तत् । वः । प्रेति । दास्यामि । इति । सः । छन्दसाम् । वीर्यम् ।

TS 3.3.7.2**TS 3.3.7.2****Samhita Paata**

मादाय तदेभ्यः प्रायच्छत् तदनु छन्दांस्यपाऽक्रामन् छन्दांसि यज्ञस्ततो देवा अभवन् पराऽसुरा य एवं छन्दसां वीर्यं वेदाऽऽश्रावयाऽस्तु श्रौषड् यज्ञ ये यजामहे वषट्कारो भवत्यात्मना पराऽस्य भ्रातृव्यो भवति ब्रह्मवादिनो वदन्ति कस्मै कमन्दुर्युरा श्रावयतीति छन्दसां वीर्यायेति ब्रूयादे तद् वै - []

Pada Paata

आदायेत्या-दायं । तत् । एभ्यः । प्रेति । अयच्छत् । तत् । अन्विति । छन्दांसि । अपेति

। अ॒क्राम॑न् । छ॒न्दा॑सि । यु॒ज्ञः । ततः॑ । दे॒वाः । अ॒भ॒व॑न् । प॒रेति॑ । अ॒सुराः॑ । यः ।
 ए॒वम् । छ॒न्द॑साम् । वी॒र्य॑म् । वे॒द॑ । ए॒ति॑ । श्रा॒व॒य॒ । अ॒स्तु॑ । श्रौ॒ष॒ट् । य॒ज॑ । ये । य॒जा॑महे
 । व॒ष॒ट्कार॑ इति॑ वषट् - का॒रः । भ॒व॑न्ति । आ॒त्म॒ना॑ । प॒रेति॑ । अ॒स्य॑ । भ्रा॒तृ॒व्यः । भ॒व॑ति ।
 ब्र॒ह्म॒वा॒दि॒न् इति॑ ब्रह्म - वा॒दि॒नः । वृ॒द॒न्ति॑ । क॒स्मै॑ । क॒म् । अ॒द्भ्युः॑ । ए॒ति॑ । श्रा॒व॒य॒ति॑ ।
 इति॑ । छ॒न्द॑साम् । वी॒र्या॑य । इति॑ । ब्रू॒यात् । ए॒तत् । वै ।

TS 3.3.7.3

TS 3.3.7.3

Samhita Paata

छ॒न्द॑सां वी॒र्य॑मा श्रा॒व॒याऽस्तु॑ श्रौ॒ष॒ट् य॒ज्ञ॑ ये य॒जा॑महे व॒ष॒ट्कारो॑ य ए॒वं वे॒द॑ स॒र्वी॒र्यै॑रे॒व छ॒न्दो॑भिर॒र्च॑ति
 यत् किं चा॒र्च॑ति॒ यदिन्द्रो॑ वृ॒त्रम॑ह॒न्न॒मे॒द्ध्यं॑ तद् यद् य॒ती॒न॒पा॒व॑प॒द॒मे॒द्ध्यं॑ तदथ॒ क॒स्मा॑दैन्द्रो॒ यु॒ज्ञ॑ आ
 स॒स्त्वा॒तो॒रि॒त्या॒हु॒रिन्द्र॑स्य॒ वा ए॒षा य॒ज्ञिया॑ त॒नूर्य॑द् य॒ज्ञ॒स्तामे॒व त () द्य॑जन्ति॒ य ए॒वं वे॒दो॒पै॒नं य॒ज्ञो
 न॑मति ॥

Pada Paata

छ॒न्द॑साम् । वी॒र्य॑म् । ए॒ति॑ । श्रा॒व॒य॒ । अ॒स्तु॑ । श्रौ॒ष॒ट् । य॒ज॑ । ये । य॒जा॑महे । व॒ष॒ट्कार॑ इति॑
 वषट् - का॒रः । यः । ए॒वम् । वे॒द॑ । स॒र्वी॒र्यै॑रिति॒ स - वी॒र्यैः॑ । ए॒व । छ॒न्दो॑भिरिति॒ छ॒न्दः॑ -
 भिः । अ॒र्च॑ति॒ । यत् । किम् । च॒ । अ॒र्च॑ति॒ । यत् । इन्द्रः॑ । वृ॒त्रम् । अ॒ह॒न्न॑ । अ॒मे॒द्ध्यम्
 । तत् । यत् । य॒ती॒न॑ । अ॒पा॒व॑प॒दि॒त्य॑प - अ॒व॑पत् । अ॒मे॒द्ध्यम् । तत् । अथ॑ । क॒स्मा॑त् ।

ऐन्द्रः । यज्ञः । एति । सःस्थातो॒रिति॑ सं - स्थातोः । इति । आहुः । इन्द्रस्य । वै । एषा
 । यज्ञियाँ । तनूः । यत् । यज्ञः । ताम् । एव । तत् () । यजन्ति । यः । एवम् ।
 वेद । उपेति । एनम् । यज्ञः । नमति ॥

TS 3.3.8.1

TS 3.3.8.1

Samhita Paata

आयु॒र्दा अ॒ग्ने ह॒विषो॑ जुषा॒णो घृ॒तप्र॑तीको घृ॒तयो॑निरेधि । घृ॒तं पी॒त्वा मधु॑चारु॒ गव्यं॑ पि॒तेव॑पु॒त्रम॒भि
 र॑क्षतादि॒मं ॥ आ वृ॑श्च्यते वा ए॒तद्-यज॑मानोऽग्नि॒भ्यां य॑दे॒नयोः शृ॒तं कृ॒त्याथाऽन्य॑त्रा॒-वभृ॑थम॒वैत्या॑यु॒र्दा
 अ॒ग्ने ह॒विषो॑ जुषा॒ण इत्य॑वभृ॒थम॑वैष्यन् जु॒हुया॑दाहु॒त्यैवैनौ॑ शमयति॒ नाऽऽ*ति॑माच्छति॒ यज॑मानो॒ यत्
 कु॒सीद॑ - []

Pada Paata

आयु॒र्दा इत्या॑युः - दाः । अ॒ग्ने । ह॒विषः॑ । जुषा॒णः । घृ॒तप्र॑तीक॒ इति॑ घृ॒त - प्र॑तीकः ।
 घृ॒तयो॑नि॒रिति॑ घृ॒त-यो॑निः । ए॒धि ॥ घृ॒तम् । पी॒त्वा । मधु॑ । चारु॑ । गव्य॑म् । पि॒ता । इ॒व
 । पु॒त्रम् । अ॒भीति॑ । र॒क्षता॑त् । इ॒मम् ॥ एति॑ । वृ॑श्च्यते । वै । ए॒तत् । यज॑मानः ।
 अ॒ग्निभ्या॑मित्य॒ग्नि - भ्या॑म् । यत् । ए॒नयोः॑ । शृ॒तकृ॑त्येति॒ शृ॒तं - कृ॒त्यं । अथ॑ । अ॒न्यत्र॑ ।
 अ॒वभृ॑थमित्य॑व - भृ॒थम् । अ॒वैती॑त्य॑व - एति॑ । आयु॒र्दा इत्या॑युः - दाः । अ॒ग्ने । ह॒विषः॑ । जुषा॒णः
 । इति॑ । अ॒वभृ॑थमित्य॑व - भृ॒थम् । अ॒वैष्य॑न्नित्य॑व-एष्यन् । जु॒हुया॑त् । आहु॒त्येत्या॑ - हु॒त्या

। ए॒व । ए॒नौ । श॒म॒य॒ति । न । आ॒र्ति॒म् । ए॒ति । ऋ॒च्छ॒ति । य॒ज॒मा॒नः । य॒त् । कु॒सी॒द॒म् ।

TS 3.3.8.2

TS 3.3.8.2

Samhita Paata

म॒प्र॒ती॒त्तुं म॒यि॒ येन॑ य॒म॒स्य॑ ब॒लि॒ना॒ च॒रा॒मि । इ॒है॒व स॒न् नि॒र॒व॒द॒ये त॒दे॒त॒त् तद॑ग्रे अ॒नृ॒णो भ॑वामि ।
वि॒श्व॒लो॒प वि॒श्व॒दा॒व॒स्य॑ त्वा ऽऽस॒ञ्जु॒हो॒म्य॒ग्धा॒दे॒को ऽहु॒ता॒दे॒कः॑ स॒म॒स॒ना॒दे॒कः॑ । ते॒नः॑ कृ॒ण्व॒न्तु भे॒ष॒ज॑
स॒दः॑ स॒हो व॑रेण्यं ॥ अ॒यं नो॑ न॒भ॒सा पु॒रः स॒स्फा॒नो अ॒भि र॑क्षतु । गृ॒हा॒णा॒म॒सं॒म॒र्त्या॑ ब॒हवो॑ नो
गृ॒हा अ॑सन् ॥ स त्व॒न्नो - []

Pada Paata

अ॒प्र॒ती॒त्तु॒मि॒त्य॒प्र॒ति॒-इ॒त्तु॒म् । म॒यि॒ । ये॒न॑ । य॒म॒स्य॑ । ब॒लि॒ना॑ । च॒रा॒मि ॥ इ॒ह । ए॒व । स॒न् ।
नि॒र॒व॒द॒य॒ इति॑ निः-अ॒व॒द॒ये । त॒त् । ए॒त॒त् । त॒त् । अ॒ग्रे । अ॒नृ॒णः । भ॑वा॒मि ॥ वि॒श्व॒लो॒पेति॑
वि॒श्व॑ - लो॒प॒ । वि॒श्व॒दा॒व॒स्येति॑ वि॒श्व॑ - दा॒व॒स्य॑ । त्वा॒ । अ॒स॒न् । जु॒हो॒मि॒ । अ॒ग्धा॒दि॒त्य॒ग्ध॑ -
अ॒त् । ए॒कः॑ । अ॒हु॒ता॒दि॒त्य॒हु॒त॑ - अ॒त् । ए॒कः॑ । स॒म॒स॒ना॒दि॒ति॑ स॒म॒स॒न॑ - अ॒त् । ए॒कः॑ ॥ ते
। नः॑ । कृ॒ण्व॒न्तु॒ । भे॒ष॒ज॑म् । स॒दः॑ । स॒हः॑ । व॑रेण्यम् ॥ अ॒य॑म् । नः॑ । न॒भ॒सा॒ । पु॒रः
। स॒स्फा॒न॒ इति॑ सं - स्फा॒नः॑ । अ॒भी॒ति॑ । र॒क्ष॒तु॒ ॥ गृ॒हा॒णा॑म् । अ॒सं॒म॒र्त्या॑ इ॒त्य॒सं॑ - ऋ॒त्यै
। ब॒हवः॑ । नः॑ । गृ॒हाः॑ । अ॒स॒न् ॥ सः॑ । त्व॒म् । नः॑ ।

TS 3.3.8.3**TS 3.3.8.3****Samhita Paata**

नभसस्पत् ऊर्जं नो धेहि भद्रयाँ । पुनर्नो नष्टमा कृधि पुनर्नो रयिमा कृधि ॥ देवं सस्फान
 सहस्रपोषस्येशिषे स नो रास्वाऽज्यानिः रायस्पोषः सुवीर्यः सँवत्सरीणाः स्वस्तिं ॥ अग्निर्वाव
 यम इयं यमी कुसीदं वा एतद्-यमस्य यजमान आ दत्ते यदोषधीभिर्वेदिः स्तृणाति यदनुपौष्य
 प्रयायाद्ग्रीवबद्धमेन - []

Pada Paata

नभसः । पते । ऊर्जम् । नः । धेहि । भद्रयाँ ॥ पुनः । नः । नष्टम् । एति । कृधि ।
 पुनः । नः । रयिम् । एति । कृधि ॥ देवं । सस्फानेति सं - स्फान् । सहस्रपोषस्येति
 सहस्र - पोषस्य । ईशिषे । सः । नः । रास्व । अज्यानिम् । रायः । पोषम् । सुवीर्यमिति
 सु - वीर्यम् । सँवत्सरीणामिति सं - वत्सरीणाम् । स्वस्तिम् ॥ अग्निः । वाव । यमः ।
 इयम् । यमी । कुसीदम् । वै । एतत् । यमस्य । यजमानः । एति । दत्ते । यत् ।
 ओषधीभिरित्योषधि - भिः । वेदिम् । स्तृणाति । यत् । अनुपौष्येत्यनुप - ओष्य । प्रयायादिति
 प्र - यायात् । ग्रीवबद्धमिति ग्रीव - बद्धम् । एनम् ।

TS 3.3.8.4

TS 3.3.8.4

Samhita Paata

म॒मुष्मिन् लो॒के ने॒नीये॒रन् यत् कु॒सीद॒मप्र॑ती॒त्तं मयी॑त्यु॒पौष॑ती॒हैव सन् य॒मं कु॒सीदं॑ नि॒रव॑दाया॒नृणः॑
सु॒वर्गं लो॒कमे॑ति॒यदि॑ मि॒श्रमि॑व॒ चरे॑द॒ञ्जलि॑ना॒ सक्तू॑न् प्र॒दाव्ये॑ जुहु॒यादेष॑ वा अ॒ग्निवै॑श्वा॒नरो॑ यत् प्र॒दाव्यः॑
स ए॒वैन॑स्व॒दय॑त्य॒ह्ना वि॒धान्या॑-मे॒काष्ट॑काया॒मपू॑पं चतुः शरा॒वं प॑त्त्वा प्रा॒तरे॑तेन॒ कक्ष॑मु॒पौषे॑द्यदि - [

Pada Paata

अ॒मुष्मिन् । लो॒के । ने॒नीये॒रन् । यत् । कु॒सीद॒म् । अ॒प्र॑ती॒त्तमि॑त्य॒प्रति॑ - इ॒त्तम् । मयि॑ ।
इति॑ । उ॒पेति॑ । ओ॒षति॑ । इ॒ह । ए॒व । सन् । य॒मम् । कु॒सीद॒म् । नि॒रव॑दायेति॑ निः
- अ॒व॑दायं । अ॒नृणः॑ । सु॒वर्गमि॑ति॒ सुवः॑-गम् । लो॒कम् । ए॒ति । यदि॑ । मि॒श्रम् । इ॒व
। चरे॑त् । अ॒ञ्जलि॑ना । सक्तू॑न् । प्र॒दाव्यं॑ इति॑ प्र - दा॒व्यै । जुहु॒यात् । ए॒षः । वै ।
अ॒ग्निः । वै॒श्वा॒नरः॑ । यत् । प्र॒दाव्यं॑ इति॑ प्र - दा॒व्यः । सः । ए॒व । ए॒नम् । स्व॒दय॑ति॒
। अ॒ह्नाम् । वि॒धान्या॑मि॒ति वि॑ - धान्या॑म् । ऐ॒काष्ट॑काया॒मित्ये॑क - अ॒ष्टका॑या॒म् । अ॒पूप॑म् ।
चतुः शरा॒वमि॑ति॒ चतुः॑ - शरा॒वम् । प॑त्त्वा । प्रा॒तः । ए॒तेन॑ । कक्ष॑म् । उ॒पेति॑ । ओ॒षेत् । यदि॑ ।

TS 3.3.8.5**TS 3.3.8.5****Samhita Paata**

दह॑ति पु॒ण्य॒समं॑ भव॒ति॒ यदि॑ न दह॑ति पा॒प॒समं॑मे॒तेन॑ ह॒स्म वा ऋ॑ष॒यः पु॒रा वि॒ज्ञाने॑न दी॒र्घस॒त्रमु॑प॒
यन्ति॑ यो वा उ॑प॒द्रष्टा॑रमु॒प॒श्रो॒तार॑मनु॒ख्या॒तारं॑ वि॒द्वान् यज॑ते स॒म॒मुष्मि॑न् लो॒क इ॑ष्टा॒पूर्ते॑न ग॒च्छते॑ऽग्नि॒र्वा
उ॑प॒द्रष्टा॑ वा॒युर॑प॒श्रो॒ता ऽऽदि॒त्योऽनु॒ख्या॒ता तान् य॑ ए॒वं वि॒द्वान् यज॑ते स॒म॒मुष्मि॑न् लो॒क इ॑ष्टा॒पूर्ते॑न
ग॒च्छते॑ ऽयं नो॒ नभ॑सा पु॒र - []

Pada Paata

दह॑ति । पु॒ण्य॒सम॑मि॒ति पु॒ण्य - सम॑म् । भ॒व॒ति॒ । य॒दि॒ । न । दह॑ति । पा॒प॒सम॑मि॒ति पाप -
सम॑म् । ए॒तेन॑ । ह॒ । स्म॒ । वै । ऋ॑ष॒यः । पु॒रा । वि॒ज्ञाने॑नेति॒ वि - ज्ञाने॑न । दी॒र्घस॒त्रमि॑ति
दी॒र्घ - स॒त्रम् । उ॒पेति॑ । य॒न्ति॒ । यः । वै । उ॒प॒द्रष्टा॑रमि॒त्युप॑ - द्रष्टा॑रम् । उ॒प॒श्रो॒तार॑मि॒त्युप॑ -
श्रो॒तार॑म् । अ॒नु॒ख्या॒तार॑मि॒त्यनु॑ - ख्या॒तार॑म् । वि॒द्वान् । यज॑ते । स॒मि॒ति॒ । अ॒मुष्मि॑न् । लो॒के
। इ॒ष्टा॒पूर्ते॑नेती॒ष्ट - पूर्ते॑न । ग॒च्छ॒ते॒ । अ॒ग्निः । वै । उ॒प॒द्रष्टे॑त्यु॒प॒द्रष्टा॑ । वा॒युः । उ॒प॒श्रो॒तेत्यु॑प॒
- श्रो॒ता । आ॒दि॒त्यः । अ॒नु॒ख्या॒तेत्य॑नु॒ख्या॒ता । तान् । यः । ए॒वम् । वि॒द्वान् । यज॑ते ।
स॒मि॒ति॒ । अ॒मुष्मि॑न् । लो॒के । इ॒ष्टा॒पूर्ते॑नेती॒ष्ट - पूर्ते॑न । ग॒च्छ॒ते॒ । अ॒यम् । नः । नभ॑सा । पु॒रः ।

TS 3.3.8.6

TS 3.3.8.6

Samhita Paata

इत्या॑हा॒ग्निर्वै॑ नभ॑सा पु॒रोऽग्नि॑मे॒व तदा॑है॒तन्मे॑ गोपा॒येति॑ स त्वं नो॑ नभ॑सस्प॒त इत्या॑ह वा॒युर्वै॑ नभ॑स॒स्पति॑र्वा॒युमे॒व
तदा॑है॒तन्मे॑ गोपा॒येति॑ दे॒वं स॒स्फा॒नेत्या॑हा॒ऽसौ वा आ॑दि॒त्यो दे॒वः स॒स्फा॒न आ॑दि॒त्यमे॒व तदा॑है॒तन्मे॑
गोपा॒येति॑ ॥

Pada Paata

इति॑ । आ॒ह । अ॒ग्निः । वै । नभ॑सा । पु॒रः । अ॒ग्निम् । ए॒व । तत् । आ॒ह । ए॒तत् । मे॒
। गोपा॒य । इति॑ । सः । त्वम् । नः । नभ॑सः । प॒ते । इति॑ । आ॒ह । वा॒युः । वै ।
नभ॑सः । प॒तिः । वा॒युम् । ए॒व । तत् । आ॒ह । ए॒तत् । मे॒ । गोपा॒य । इति॑ । दे॒वं ।
स॒स्फा॒नेति॑ सं - स्फा॒न । इति॑ । आ॒ह । अ॒सौ । वै । आ॑दि॒त्यः । दे॒वः । स॒स्फा॒न इति॑
सं - स्फा॒नः । आ॑दि॒त्यम् । ए॒व । तत् । आ॒ह । ए॒तत् । मे॒ । गोपा॒य । इति॑ () ॥

TS 3.3.9.1

TS 3.3.9.1

Samhita Paata

ए॒तं यु॒वा॒नं परि॑ वो द॒दामि॑ ते॒न क्री॑ड॒न्ती॑श्च॒रत॑ प्रि॒येण॑ । मा नः॑ शा॒प्त ज॒नुषा॑ सु॒भागा रा॒यस्पो॑षे॒ण

समि॒षा म॑देम ॥ नमो॑ म॒हिम्न॑ उ॒त चक्षु॑षे ते मरु॑तां पि॒त॒स्तद॑हं गृ॒णामि॑ । अ॒नु॑ म॒न्यस्व॑ सु॒यजा॑
यजाम॑ जुष्टं॑ दे॒वाना॑मि॒दम॑स्तु ह॒व्यं ॥ दे॒वाना॑मेष॑ उ॒पना॑ह आ॒सीद॑पां गर्भ॑ ओष॑धीषु न्य॑क्तः । सोम॑स्य
द्र॒प्सम॑वृणीत पू॒षा - []

Pada Paata

ए॒तम् । यु॒वा॑नम् । प॒री॑ति । वः । द॒दामि॑ । ते॒न । क्री॑ड॒न्तीः । च॒र॒त॒ । प्रि॒येण॑ ॥ मा ।
नः । शा॒स॒ । ज॒नुषा॑ । सु॒भा॒गा इति॑ सु - भा॒गाः । रा॒यः । पो॑षेण । स॒मि॒ति॑ । इ॒षा । म॒दे॒म॒
॥ नमः॑ । म॒हि॒म्ने । उ॒त । चक्षु॑षे । ते । मरु॑ताम् । पि॒तः । तत् । अ॒हम् । गृ॒णामि॑ ॥
अ॒न्वि॒ति॑ । म॒न्य॒स्व॒ । सु॒य॒जे॒ति॑ सु॒य॒जा॑ । य॒जाम॑ । जुष्ट॑म् । दे॒वाना॑म् । इ॒दम् । अ॒स्तु ।
ह॒व्यम् ॥ दे॒वाना॑म् । ए॒षः । उ॒प॒ना॒ह इत्यु॑प - ना॒हः । आ॒सी॒त् । अ॒पाम् । गर्भः॑ । ओष॑धीषु
। न्य॑क्त इति॑ नि - अ॒क्तः ॥ सोम॑स्य । द्र॒प्सम् । अ॒वृ॒णी॒त् । पू॒षा ।

TS 3.3.9.2

TS 3.3.9.2

Samhita Paata

बृ॒हन्न॑द्रि॒रभ॑वत् तदे॒षां ॥ पि॒ता व॒त्स॑नां पति॑र॒घ्निया॑ना॒मथो॑ पि॒ता म॑ह॒तां गर्ग॑राणां । व॒त्सो ज॒रायु॑
प्रति॑धुक् पी॒यूषं॑ आ॒मिक्षा॑ मस्तु॑ घृ॒तम॑स्य॒ रेतः॑ ॥ त्वां गावो॑ऽवृणत॒ राज्या॑य॒ त्वाऽह॑वन्त म॒रुतः॑
स्व॒र्काः । वर्ष्म॑न् क्ष॒त्रस्य॑ क॒कुभि॑ शि॒श्रिया॑णस्ततो॑ न उ॒ग्रो वि भ॑जा॒ वसू॑नि ॥ व्यृ॑द्धेन॒ वा ए॒ष
प॒शुना॑ यजते॒ यस्यै॑तानि॒ न क्रि॑यन्त ए॒ष () ह॒ त्वै॑ समृ॑द्धेन॒ यजते॒ यस्यै॑तानि॒ क्रि॑यन्त ॥

Pada Paata

बृहन् । अद्रिः । अभवत् । तत् । एषाम् ॥ पिता । वृत्सानाम् । पतिः । अघ्नियानाम् ।
 अथो इति । पिता । महताम् । गर्गराणाम् ॥ वृत्सः । जरायु । प्रतिधुगिति प्रति - धुक् ।
 पीयूषः । आमिक्षा । मस्तु । घृतम् । अस्य । रेतः ॥ त्वाम् । गावः । अवृणत । राज्याय
 । त्वाम् । हवन्त । मरुतः । स्वर्का इति सु - अर्काः ॥ वर्ष्मन् । क्षत्रस्य । कुकुभि ।
 शिश्रियाणः । ततः । नः । उग्रः । वीति । भज । वसूनि ॥ व्यृद्धेनेति वि - ऋद्धेन । वै
 । एषः । पशुना । यजते । यस्य । एतानि । न । क्रियन्ते । एषः () । ह । तु । वै
 । समृद्धेनेति सं - ऋद्धेन । यजते । यस्य । एतानि । क्रियन्ते ॥

TS 3.3.10.1**TS 3.3.10.1****Samhita Paata**

सूर्यो देवो दिविषद्भ्यो धाता क्षत्राय वायुः प्रजाभ्यः । बृहस्पतिस्त्वा प्रजापतये ज्योतिष्मतीं जुहोतु
 ॥ यस्यांस्ते हरितो गर्भोऽथो योनिर्हिरण्ययी । अङ्गान्यहुता यस्यै तां देवैः समंजीगमं ॥ आ
 वर्तन वर्तय नि निवर्तन वर्तयेन्द्र नर्दबुद । भूम्याश्चतस्रः प्रदिशस्ताभिरा वर्तया पुनः ॥ वि ते भिनन्नि
 तकरीं वियोनिं वि गवीन्यौ । वि - []

Pada Paata

सूर्यः । देवः । दिविषद्भ्य इति दिविषत् - भ्यः । धाता । क्षत्राय । वायुः । प्रजाभ्य इति
 प्र - जाभ्यः ॥ बृहस्पतिः । त्वा । प्रजापतय इति प्रजा-पतये । ज्योतिष्मतीम् । जुहोतु ॥
 यस्याः । ते । हरितः । गर्भः । अथो इति । योनिः । हिरण्ययी ॥ अङ्गानि । अहुता ।
 यस्यै । ताम् । देवैः । समिति । अजीगमम् ॥ एति । वर्तन् । वर्तय । नीति । निवर्तनेति
 नि - वर्तन् । वर्तय । इन्द्र । नर्दुबुदु ॥ भूम्याः । चतस्रः । प्रदिशु इति प्र - दिशः । ताभिः
 । एति । वर्तय । पुनः ॥ वीति । ते । भिनन्नि । त्करीम् । वीति । योनिम् । वीति ।
 ग्वीन्यौ ॥ वीति ।

TS 3.3.10.2

TS 3.3.10.2

Samhita Paata

मातरञ्च पुत्रं च वि गर्भं च जरायुं च ॥ बहिस्ते अस्तु बालिति ॥ उरुद्रप्सो विश्वरूप इन्दुः
 पवमानो धीरं आनञ्च गर्भं ॥ एकपदी द्विपदी त्रिपदी चतुष्पदी पञ्चपदी षट्पदी सप्तपद्यष्टापदी भुवनाऽनु
 प्रथताः स्वाहा ॥ मही द्यौः पृथिवी च न इमं यज्ञं मिमिक्षतां । पिपृतान्नो भरीमभिः ॥

Pada Paata

मातरम् । च । पुत्रम् । च । वीति । गर्भम् । च । जरायुं । च ॥ बहिः । ते । अस्तु ।
 बाल । इति ॥ उरुद्रप्स इत्युरु - द्रप्सः । विश्वरूप इति विश्व - रूपः । इन्दुः । पवमानः

। धीरः । आ॒न॒ञ्ज । गर्भ॑म् ॥ ए॒क॑प॒दीत्ये॒कं - प॒दी । द्वि॒प॒दीति॑ द्वि- प॒दी । त्रि॒प॒दीति॑ त्रि - प॒दी ।
 । च॒तु॑ष्प॒दीति॑ च॒तुः - प॒दी । प॒ञ्च॑प॒दीति॑ प॒ञ्च-प॒दी । ष॒ट्प॒दीति॑ षट् - प॒दी । स॒प्त॑प॒दीति॑ स॒प्त -
 प॒दी । अ॒ष्टा॑प॒दीत्य॒ष्टा-प॒दी । भुव॑ना । अ॒न्वि॒ति । प्र॒थ॒ताम् । स्वा॒हा ॥ म॒ही । द्यौः । पृ॒थि॒वी
 । च॒ । नः॒ । इ॒मम् । य॒ज्ञम् । मि॒मिक्ष॑ता॒म् ॥ पि॒पृ॒ताम् । नः॒ । भ॒री॑म॒भिरि॑ति॒ भरी॑म - भिः
 ॥

TS 3.3.11.1

TS 3.3.11.1

Samhita Paata

इ॒दं वा॑मा॒स्ये ह॒विः प्रि॒यमि॑न्द्रा॒बृह॑स्प॒ती । उ॒क्थं॑ म॒दश्च॑ श॒स्य॑ते ॥ अ॒यं वा॑ परि॑ षि॒च्य॑ते
 सोम॑इन्द्रा॒बृह॑स्प॒ती । चा॒रु॒र्मदा॑य पी॒तये॑ ॥ अ॒स्मे इ॑न्द्रा॒बृह॑स्प॒ती रु॒यिं ध॑त्त॒ः श॒त॒ग्वि॒नं॑ । अ॒श्वा॑व॒न्तः॑
 स॒ह॒स्रि॒णं॑ ॥ बृ॒ह॒स्प॒तिर्नः॑ परि॑पातु प॒श्चादु॑तो॒त्तर॑स्मा॒दध॑रा॒दघा॑योः । इ॒न्द्रः पु॒रस्ता॑दु॒त म॑द्व॒यतो॑ नः॒ सखा॑
 स॒खि॒भ्यो॒ वरि॑वः कृ॒णोतु॑ ॥ वि ते॑ वि॒ष्व॒ग्वा॒त॑जू॒तासो॑ अ॒ग्ने भा॑मा॒सः - []

Pada Paata

इ॒दम् । वा॒म् । आ॒स्ये॑ । ह॒विः । प्रि॒यम् । इ॒न्द्रा॒बृह॑स्प॒ती इ॒तीन्द्रा॑-बृ॒ह॒स्प॒ती ॥ उ॒क्थम् । म॒दः ।
 च॒ । श॒स्य॑ते ॥ अ॒यम् । वा॒म् । परि॑ति॒ । सि॒च्य॑ते । सोमः॑ । इ॒न्द्रा॒बृह॑स्प॒ती इ॒तीन्द्रा॑-बृ॒ह॒स्प॒ती
 ॥ चा॒रुः । म॒दा॑य । पी॒तये॑ ॥ अ॒स्मे इ॒ति॑ । इ॒न्द्रा॒बृह॑स्प॒ती इ॒तीन्द्रा॑ - बृ॒ह॒स्प॒ती । रु॒यिम् । ध॒त्तम्
 । श॒त॒ग्वि॒नमि॒ति॑ श॒त - ग्वि॒नम् ॥ अ॒श्वा॑व॒न्तमि॒त्यश्च॑ - व॒न्तम् । स॒ह॒स्रि॒णम् ॥ बृ॒ह॒स्प॒तिः । नः॑

। परीतिं । पातु । पश्चात् । उत । उत्तरस्मादित्युत् - तस्मात् । अधरात् । अघायोरित्यंघ -
योः ॥ इन्द्रः । पुरस्तात् । उत । मद्ध्यतः । नः । सखा । सखिभ्य इति सखि - भ्यः ।
वरिवः । कृणोतु ॥ वीतिं । ते । विष्वक् । वातजूतास इति वात - जूतासः । अग्ने । भामासः ।

TS 3.3.11.2

TS 3.3.11.2

Samhita Paata

शुचे शुचयश्चरन्ति । तुविम्रक्षासो दिव्या नवंग्वा वना वनन्ति धृषता रुजन्तः ॥ त्वामग्ने मानुषीरीडते
विशो होत्राविदुर्विविचिः रत्नधातमं । गुहा सन्तः सुभग विश्वदरशतं तु विष्मणसः सुयजं घृतश्रियं
॥ धाता ददातु नो रयिमीशानो जगतस्पतिः । स नः पूर्णेन वावनत् ॥ धाता प्रजाया उत राय
ईशे धातेदं विश्वं भुवनं जजान । धाता पुत्रं यजमानाय दाता - []

Pada Paata

शुचे । शुचयः । चरन्ति ॥ तुविम्रक्षास इति तुवि - म्रक्षासः । दिव्याः । नवंग्वाः । वना ।
वनन्ति । धृषता । रुजन्तः ॥ त्वाम् । अग्ने । मानुषीः । ईडते । विशः । होत्राविदुर्मिति
होत्रा - विदम् । विविचिमिति वि-विचिम् । रत्नधातममिति रत्न - धातमम् ॥ गुहा । सन्तम्
। सुभगेति सु - भग । विश्वदरशतमिति विश्व-दरशतम् । तुविष्मणसम् । सुयजमिति सु -
यजम् । घृतश्रियमिति घृत - श्रियम् ॥ धाता । ददातु । नः । रयिम् । ईशानः । जगतः ।
पतिः ॥ सः । नः । पूर्णेन । वावनत् ॥ धाता । प्रजाया इति प्र - जयाः । उत । रायः

। ई॒रो । धा॒ता । इ॒दम् । वि॒श्वम् । भु॒व॑नम् । ज॒ज्ञान् ॥ धा॒ता । पु॒त्रम् । यज॑मानाय । दा॒ता ।

TS 3.3.11.3

TS 3.3.11.3

Samhita Paata

तस्मा॑ उ ह॒व्यं घृ॒तव॑द्विधेम ॥ धा॒ता द॑दातु नो र॒यिं प्रा॒चीं जी॒वातु॑मक्षितां । व॒यं दे॒वस्य॑ धीमहि
सुम॑तिः स॒त्यरा॑धसः ॥ धा॒ता द॑दातु द॒शुषे॑ वसू॒नि प्र॒जाका॑माय मी॒ढुषे॑ दुरो॒णे । तस्मै॑ दे॒वा अ॒मृताः
सं॒व्यय॑न्तां वि॒श्वे दे॒वासो॑ अ॒दि॒तिः स॒जोषाः॑ ॥ अनु॑ नोऽद्याऽनु॑मतिर्य॒ज्ञं दे॒वेषु॑ म॒न्यतां । अ॒ग्निश्च॑
हव्य॑वाह॑नो भव॑तां द॒शुषे॑ म॒यः ॥ अ॒न्विद॑नुमते त्वं - []

Pada Paata

तस्मै॑ । उ । ह॒व्यम् । घृ॒तव॑दिति॒ घृ॒त-व॑त् । वि॒धेम ॥ धा॒ता । द॑दातु । नः । र॒यिम् ।
प्रा॒चीम् । जी॒वातु॑म् । अ॒क्षिताम् ॥ व॒यम् । दे॒वस्य॑ । धी॒महि॑ । सु॒म॒तिमि॑ति॒ सु - म॒तिम्
। स॒त्यरा॑धस॒ इति॑ स॒त्य - रा॒धसः॑ ॥ धा॒ता । द॑दातु । द॒शुषे॑ । वसू॒नि । प्र॒जाका॑मायेति॒
प्र॒जा - का॒माय॑ । मी॒ढुषे॑ । दुरो॒णे इति॑ दुः-ओ॒ने ॥ तस्मै॑ । दे॒वाः । अ॒मृताः॑ । स॒मि॒तिं ।
व्य॒यन्ता॑म् । वि॒श्वे । दे॒वासः॑ । अ॒दि॒तिः । स॒जोषा॑ इति॒ स - जोषाः॑ ॥ अ॒न्वि॒तिं । नः ।
अ॒द्य । अनु॑मतिरि॒त्यनु॑ - म॒तिः । य॒ज्ञम् । दे॒वेषु॑ । म॒न्यता॑म् ॥ अ॒ग्निः । च । ह॒व्यवा॑ह॑न॒ इति॑
हव्य॑ - वाह॑नः । भव॑ताम् । द॒शुषे॑ । म॒यः ॥ अ॒न्वि॒तिं । इत् । अनु॑म॒त इत्य॑नु - म॒ते । त्वम् ।

TS 3.3.11.4**TS 3.3.11.4****Samhita Paata**

मन्यासै शञ्चनः कृधि । क्रत्वे दक्षाय नो हिनु प्रण आयूषि तारिषः ॥ अनु मन्यता-मनुमन्यमाना
प्रजावन्तः रयिमक्षीयमाणं । तस्यै वयः हेडंसि माऽपि भूम सा नो देवी सुहवा शर्म यच्छतु ॥
यस्यामिदं प्रदिशि यद्विरोचतेऽनुमतिं प्रति भूषन्त्यायवः । यस्या उपस्थ उर्वन्तरिक्षः सा नो देवी
सुहवा शर्म यच्छतु ॥

Pada Paata

मन्यासै । शम् । च । नः । कृधि ॥ क्रत्वे । दक्षाय । नः । हिनु । प्रेति । नः ।
आयूषि । तारिषः ॥ अन्विति । मन्यताम् । अनुमन्यमानेत्यनु - मन्यमाना । प्रजावन्तमिति
प्रजा - वन्तम् । रयिम् । अक्षीयमाणम् ॥ तस्यै । वयम् । हेडंसि । मा । अपीति । भूम
। सा । नः । देवी । सुहवेति सु - हवा । शर्म । यच्छतु ॥ यस्याम् । इदम् । प्रदिशीति
प्र - दिशि । यत् । विरोचते इति वि - रोचते । अनुमतिमित्यनु - मतिम् । प्रतीति । भूषन्ति
। आयवः ॥ यस्याः । उपस्थ इत्युप - स्थः । उरु । अन्तरिक्षम् । सा । नः । देवी ।
सुहवेति सु - हवा । शर्म । यच्छतु ॥

TS 3.3.11.5**TS 3.3.11.5****Samhita Paata**

रा॒काम॒हः सु॒हवाः सु॒ष्टुती हु॒वे शृ॒णोतुं नः सु॒भगा बोध॑तु त्मना॑ । सीव्य॑त्वपः॒ सूच्याऽच्छि॑द्यमानया
 ददा॑तु वी॒रः श॒तदा॑यमु॒क्थ्यं ॥ यास्ते॑ राके सु॒मतयः॑ सु॒पेश॑सो याभि॑र्ददा॑सि दा॒शुषे वसू॑नि ।
 ताभि॑र्नो अ॒द्य सु॒मना उ॒पाग॑हि सह॒स्रपो॑षः सु॒भगे ररा॑णा ॥ सिनी॑वालि॒ >1, या सु॑पा॒णिः >2
 ॥ कु॒हूम॒हः सु॒भगा वि॒द्वनाप॑सम॒स्मिन् यज्ञे॑ सु॒हवा जो॑हवीमि । सा नो॑ ददा॑तु श्रव॑णं () पि॒तृणां
 तस्या॑स्ते देवि ह॒विषा वि॑धेम ॥ कु॒हू-दे॒वाना॑म॒मृत॑स्य प॒त्नी ह॒व्या नो अ॒स्य ह॒विषा॑श्चिकेतु । सं
 दा॒शुषे किर॑तु भूरि॑ वामः॑ रा॒यस्पोषं॑ चि॒कितु॑षे दधातु ॥

Pada Paata

रा॒काम् । अ॒हम् । सु॒हवा॒मिति॑ सु - हवा॑म् । सु॒ष्टुतीति॑ सु-स्तुती । हु॒वे । शृ॒णोतुं । नः ।
 सु॒भगेति॑ सु - भगा॑म् । बोध॑तु । त्मना॑ ॥ सीव्य॑तु । अपः॑ । सूच्या । अ॒च्छि॑द्यमानया । ददा॑तु ।
 वी॒रम् । श॒तदा॑यमिति॑ श॒त - दा॑यम् । उ॒क्थ्यम् ॥ याः । ते । रा॒के । सु॒मतय॑ इति॑ सु - म॒तयः॑
 । सु॒पेश॑स इति॑ सु - पेश॑सः । याभिः॑ । ददा॑सि । दा॒शुषे । वसू॑नि ॥ ताभिः॑ । नः । अ॒द्य
 । सु॒मना इति॑ सु - मनाः॑ । उ॒पाग॑हीत्युप - आग॑हि । स॒हस्र॑पोषमिति॑ सहस्र - पो॒षम् । सु॒भग
 इति॑ सु - भगे॑ । ररा॑णा ॥ सिनी॑वालि । या । सु॒पा॒णिरिति॑ सु - पा॒णिः ॥ कु॒हूम । अ॒हम् ।
 सु॒भगामिति॑ सु - भगा॑म् । वि॒द्वनाप॑समिति॑ विद्वान - अप॑सम् । अ॒स्मिन् । यज्ञे॑ । सु॒हवा॒मिति॑ सु
 - हवा॑म् । जो॒हवी॑मि ॥ सा । नः । ददा॑तु । श्रव॑णम् () । पि॒तृणाम् । तस्याः॑ । ते । दे॒वि ।
 ह॒विषा॑ । वि॒धेम ॥ कु॒हूः । दे॒वाना॑म् । अ॒मृत॑स्य । प॒त्नी । ह॒व्या । नः । अ॒स्य । ह॒विषः॑ ।
 चि॒क्रेतु॑ ॥ समिति॑ । दा॒शुषे । किर॑तु । भूरि॑ । वामम् । रा॒यः । पोष॑म् । चि॒कितु॑षे । दधा॑तु ॥

